

*casti* impudicos, neque *sancti* profanos, modò à vomitu avertamur, nec veteris *cæni volutabro* immergamur. Præsta, quæsumus, Pater benignissime, Deus omnipotentissime, ut in omnibus nostris actionibus incipiamus Angelis tuis conformari, ut ipsis olim non tam *similes* facti quàm *æquales* Te Deum *Ἰεσοῦς* in sæcula sæculorum incessabili voce prædicemus. Atque jam incipimus actu hoc etiam nostro Scholastico, ubi tres nostri discipuli

JOH. CASPAR FABER Senftenbergensis

Ehrenfried NITNER Pulsnitensis &

MARTINUS STPHANI Lœbaviensis

tuam gloriam, potentiam & erga nos clementiam in excubijs Angelicis describendis *ἐκ τῶν ἐχόντων* deprædicabunt. Juva hos, Pater, rege atque dirige: Vos verò, queiscunque volupe est custodiâ Angelicâ identidem iteratâ delectari, Amplissimi & Honoratissimi Domini, benivolentiâ gratiosâ, præsentiaque favorabili prosequimini atque animate.

*PP. Budissa propriâ, Cal. Octobreis ann. MDCLXXII.*

